

BOSNA I HERCEGOVINA
FEDERACIJA BiH
KANTON SARAJEVO
OPĆINA NOVO SARAJEVO
JU OŠ «VELEŠIČKI HEROJI»
S a r a j e v o

Na osnovu člana 88. Zakona o osnovnom odgoju i obrazovanju («Službene novine Kantona Sarajevo» br. 23/17, 33/17, 30/19 i 34/20), člana 80. Pravila JU OŠ „Velešički heroji“, člana 3. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ br. 35/17), Saglasnosti Ministarstva za obrazovanje, nauku i mlade Kantona Sarajevo br. 11-30-1316-685/20 od 12.10.2020. godine i Odluke Školskog odbora br. 1281-01/20 od 30.10.2020. godine, raspisuje se:

KONKURS
za prijem radnika u radni odnos

1. Nastavnik/ca razredne nastave 1 (jedan) izvršilac na određeno vrijeme od okončanja konkursne procedure, do povratka radnice sa bolovanja, a najdalje do 31.08.2021. godine, puna nastavna norma;

Pored općih uslova utvrđenih Zakonom o radu Federacije BiH, kandidat treba ispunjavati i posebne uslove predviđene Zakonom o osnovnom odgoju i obrazovanju Kantona Sarajevo, Nastavnim planom i programom i Pedagoškim standardima i općim normativima za osnovni odgoj i obrazovanje i to:

- VSS ili VŠS - profesor/nastavnik razredne nastave,
- završen I (prvi) ciklus odgovarajućeg studija visokog obrazovanja (dodiplomski studij) u trajanju od najmanje 3, odnosno 4 studijske godine, sa akademskom titulom i stručnim zvanjem bakalaur/bachelor razredne nastave,
- završen II (drugi) ciklus odgovarajućeg studija visokog obrazovanja (postdiplomski studij), sa akademskom titulom i stručnim zvanjem magistar razredne nastave,
- završen treći ciklus odgovarajućeg studija i naučno zvanje doktor nauka

Kandidati su uz prijavu dužni priložiti:

1. Obavezna dokumentacija:

- a) svojeručno potpisana prijava na konkurs sa kratkom biografijom, kontakt podacima kandidata, tačnom naznakom na koju poziciju se konkuriše i tačno navedenom dokumentacijom koja se prilaže uz prijavu na konkurs;
- b) diplomu o stečenoj stručnoj spremi ili akademskom zvanju;
- c) izvod iz matične knjige rođenih;
- d) uvjerenje o državljanstvu (ne starije od 6 mjeseci od dana objavljivanja konkursa)

2. Dodatna dokumentacija:

- a) uvjerenje/potvrda o radnom stažu i uvjerenje sa šifrom zanimanja koje izdaje Fond za penzijsko-invalidsko osiguranje;
- b) potvrde o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao;
- c) uvjerenje o položenom stručnom ispitu;
- d) potvrda o vremenu provedenom na evidenciji Službe za zapošljavanje Kantona Sarajevo (ne starija od tri mjeseca);
- e) rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika;
- f) rješenje o ocjeni o radu koja je utvrđena u tekućoj ili prethodnoj kalendarskoj godini, a ako je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika;
- g) rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno-oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju (ne starije od šest mjeseci).

Za dokazivanje statusa branilaca i članova njihovih porodica kandidat je dužan dostaviti:

- 1. Član porodice šehida/poginulog, umrlog, nestalog branioca: Uvjerenje o statusu djeteta šehida-poginulog, umrlog i nestalog branioca, Rješenje o priznatom pravu na porodičnu invalidninu za suprugu šehida-poginulog, umrlog i nestalog branioca, Uvjerenje o učešću u Oružanim snagama za šehida-poginulog, umrlog, nestalog branioca;
- 2. Ratni vojni invalid: Rješenje o priznatom svojstvu ratnog vojnog invalida;
- 3. Dobitnik ratnog priznanja i odlikovanja: Rješenje o priznatom pravu na mjesečno novčano primanje dobitnika priznanja;
- 4. Demobilisani branioci: Uvjerenje o učešću u Oružanim snagama;
- 5. Dijete ratnog vojnog invalida: Uvjerenje o statusu djeteta ratnog vojnog invalida
Dijete dobitnika ratnog priznanja i odlikovanja: Rješenje o priznatom pravu na mjesečni dodatak
Dijete demobilisanog borca: Uvjerenje o učešću u oružanim snagama

- h) osobe koje imaju status po osnovu dopunskih prava boraca–branitelja BiH obavezne su pored rješenja/uvjerenja nadležnog kantonalnog/općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od šest mjeseci);*
- i) potvrda o autorstvu/koautorstvu udžbenika koju izdaje Federalno ministarstvo obrazovanja i nauke na osnovu člana 169.-170. Zakona o upravnom postupku FBiH (2/98 i 48/99)*

Dokumentacija koju kandidat dostavlja uz prijavu na konkurs mogu biti kopije uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije pet dana po dobijanju Odluke o izboru kandidata.

Prijava kandidata koji nije dostavio dodatnu dokumentaciju će se smatrati potpunom, a prijavljeni kandidat će se bodovati samo po osnovu onih kriterija za koje je dostavio urednu i validnu dokumentaciju.

Nepotpune i neblagovremene prijave neće se uzeti u razmatranje.

Nakon konačnosti odluke o izboru izabrani kandidat je obavezan dostaviti ljekarsko uvjerenje nadležne zdravstvene ustanove koje nije starije od šest mjeseci.

Kriteriji, procedure, uslovi, način bodovanja i izbor kandidata regulisani su Pravilnikom sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 35/17).

Konkurs ostaje otvoren 8 (osam) radnih dana od dana objavljivanja. Prijave sa dokazima o ispunjavanju uslova dostaviti u zatvorenoj koverti sa naznakom “Komisiji za utvrđivanje prijedloga za izbor radnika“ na adresu škole ul. Velešići br. 2, Sarajevo lično ili putem pošte.

Dokumentacija kandidata koji nisu izabrani po ovom konkursu vraća se na lični zahtjev putem protokola škole u roku od 30 dana nakon okončanja konkursne procedure.

Konkurs je objavljen u “Dnevnom avazu” dana 4.11.2020. godine, a isti ostaje otvoren do 16.11.2020. godine.